



Broj: 09-20/1-11-2-1989  
Sarajevo, 18.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i

## **O D L U K U**

### **o izboru najpovoljnijeg ponuđača za javnu nabavku „Nabavka laboratorijske opreme“ – LOT 1**

#### **I**

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka labaratorijske opreme“ za LOT 1 (Termomikseri i laboratorijski šejkeri), te se ugovor dodjeljuje ponuđaču „AB Medic“ d.o.o Sarajevo, čija cijena ponude iznosi 19.000,00 KM bez PDV-a, odnosno 22.230,00 KM sa PDV-om.

#### **II**

Za izvršenje Odluke zadužuje se Sektor za materijalno- finansijske poslove.

#### **III**

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

#### **IV**

Ova Odluka stupa na snagu danom donošenja.

#### **V**

Odabrani ponuđač dužan je u roku od pet (5) dana, od dana zaprimanja Odluke, Ugovornom organu dostaviti dokumente iz člana 45. ZJN, u skladu sa tačkom 2. tenderske dokumentacije.

## **O B R A Z L O Ž E N J E**

Federalna uprava policije je provela konkurentski postupak javne nabavke „Nabavka laboratorijske opreme“, broj Obavještenja o javnoj nabavci: 1412-7-1-186-3-97/22 godine od 16.08.2022. godine.

Javna nabavka je provedena putem konkurentskog zahtjeva za dostavu ponuda. Procjenjena vrijednost nabavke iznosi 19.658,12 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2022. godini, imenovana Rješenjem direktora Federalne uprave policije broj: 09-19/1-30-2-46 od 14.01.2022. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača, data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponude i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su za LOT 1 zaprimljene 4 (četiri) ponude, koje su ujedno i blagovremene, i to ponuđača: „Emeding“ d.o.o. Sarajevo, „AB Medic“ d.o.o. Sarajevo, „Helia“ d.o.o. Sarajevo i „MPS LAB“ d.o.o. Sarajevo,
- da nije bilo neblagovremeno zaprimljenih ponuda,
- da je Komisija konstatovala da je ponuda ponuđača „AB Medic“ d.o.o. Sarajevo, formalno-pravno ispravna, te da ista ispunjava sve tražene uslove iz tenderske dokumentacije,
- da je Komisija konstatovala da ponude ponuđača: Emeding“ d.o.o. Sarajevo, „Helia“ d.o.o. Sarajevo i „MPS LAB“ d.o.o. Sarajevo formalno-pravno nisu ispravne iz sljedećih razloga:
  - ponuđač „Emeding“ d.o.o. Sarajevo u svojoj ponudi za LOT 1 - nije dostavio Izjavu kojom garantuje da će, ukoliko zaključi ugovor za predmetnu nabavku u roku i na način utvrđen Tenderskom dokumentacijom dostaviti garanciju za uredno izvršenje ugovora. Uvažavajući navedeno, Ponuđač „Emeding“ d.o.o. Sarajevo nije zadovoljio formalno – pravne uslove propisane tenderskom dokumentacijom za LOT 1,
  - ponuđač „Helia“ d.o.o Sarajevo nije zadovoljio tražene tehničke karakteristike, odnosno ponuđene tehničke karakteristike ne odgovaraju traženim u stavkama:
    - Theromixer
      - Brzina hlađenja, tražena karakteristika je 2.5 °C/min, a ponuđena ispod ambijentalne 0.5-1.0 °C/min (pismeno konstantovano od strane stručnih lica angažovanih na inicijativu Komisije za ocjenu tehničkog dijela ponude),
      - Umjesto tražene karakteristike bloka 24x2 ml ponuđena je karakteristika bloka 24x1.5 ml (pismeno konstantovano od strane stručnih lica imenovanih na inicijativu Komisije za ocjenu tehničkog dijela ponude),
    - Vortex
      - Tražena brzina vrtnje treba da pokriva rang 250-2500 u minuti (+/- 20%), dok je ponuđena brzina vrtnje 500-2800 u minuti (pismeno konstantovano od strane stručnih lica angažovanih na inicijativu Komisije za ocjenu tehničkog dijela ponude),

- Ponuđač „MPS LAB“ d.o.o Sarajevo nije zadovoljio tražene tehničke karakteristike, odnosno ponuđene tehničke karakteristike ne odgovaraju traženim u stavkama:  
Thermomixer
  - Brzina hlađenja, tražena karakteristika je 2.5 °C/min, a ponuđena ispod ambijentalne 0.8°C/min (pismeno konstantovano od strane stručnih lica angažovanih na inicijativu Komisije za ocjenu tehničkog dijela ponude),
  - Traženi radijus miksiranja i vortexsiranja je 1.5 mm, a ponuđač nudi 3 mm (pismeno konstantovano od strane stručnih lica angažovanih na inicijativu Komisije za ocjenu tehničkog dijela ponude),
- da je Tenderskom dokumentacijom predviđeno održavanje e-Aukcije, a kako je zaprimljena samo jedna formalno-pravno ispravna ponuda, Komisija u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16), dala preporuku Ugovornom organu da se za postupak nabavke „Nabavka laboratorijske opreme“, za LOT 1 (Termomikseri i laboratorijski šejkeri) dodjeli ugovor ponuđaču „AB Medic“ d.o.o Sarajevo.

Iz navedenih razloga odlučeno je kao u dispozitivu ove Odluke.

**Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od pet (5) dana od dana prijema ove Odluke.

**ZAMJENIK DIREKTORA**  
**Generalni inspektor policije**

**Ensad Korman**

**Dostaviti:**

- Sektor za mat. fin. poslove
- ponuđačima
- u spis